

2 bhàs a thoirt) agus gu'm faigh e bàs, *is* mortair e : cuirear gu cinnteach am mortair gu bàs.

19 Marbhaidh dìoghaltair na fola e féin am mortair : an uair a choinnicheas se e^a, marbhaidh se e.

20 Ach ma bheir e urchuir dha tre fhuath^b, no ma thilg-eas e *ni sam bith* air 'am' plaid-luidhe^c, air chor as gu'm faigh e bàs ;

21 No ma bhuaileas se e le a làimh ann an naimhdeas, air chor as gu'm faigh e bàs ; cuirear efan a bhuail e gun teagamh gu bàs ; *oir is* mortair e : marbhaidh dìoghaltair na fola am mortair, an uair a choinnicheas se e.

22 Ach ma thug e urchuir dha gu h-obann gun naimhdeas, no ma thilg e *ni sam bith* air gun phlaid-luidhe ;

23 No le cloich sam bith a dh'fheudas bàs duine a tha-bhairt, gun e 'ga' fhaicinn, agus gu'n do thilg e air *i* air chor as gu'm faigh e bàs, agus gun a chron iarraidh :

24 'An sin bheir an co'-chruinneach breth eadar am marbhaich agus dìoghaltair na fola, a réir nam breitheanas sin.

25 Agus faoraidh an co'-chruinneach am marbhaiche a làimh dìoghaltair na fola, agus cuiridh an co'-chruinneach air ais^d e do bhaile a dhèidin, gus an do theich e : agus fanaidh e ann gu bàs an ard-shagairt, a dh'ungadh leis an ola naomha.

26 Ach ma thig am marbhaiche uair air bith an taobh a mach do chrìch baile a dhèidin, gus an do theich e ;

27 Agus gu'm faigh dìogh-altair na fola e an taobh a mach do chrìochaibh baile a dhèidin, agus gu'm marbh dìoghaltair na fola am marbhaiche : cha bhi e ciontach do fhuil :

28 A chionn gu'm bu chòir dha fuireach ann am baile a dhèidin gu bàs an ard-shagairt : ach 'an déigh bàis an ard-shagairt, pillidh am marbhaiche gu fearann a sheilbhe féin.

29 Agus bithidh na *nithe* sin 'nan reachd breitheanas dhuibh, air feadh bhur ginealacha 'nar n-àitibh-còmhnuidh uile.

30 Ge b'e mharbhas neach sam bith, cuirear am mortair gu bàs le beul^e fhianuis : ach cha d'thoir aon fhianuis teistias 'an aghaidh neach sam bith *a chum a chur* gu bàs.

31 Agus cha ghabh sibh éiric sam bith air son anma mortair, a tha ciontach do bhàs ; ach cuirear gu cinnteach gu bàs e.

32 Agus cha ghabh sibh éiric sam bith air a shon-san a theich do bhaile a dhèidin, a chum as gu'n d'thigeadh e ris a ghabhail còmhnuidh 'san fhearann, gu bàs an t-sagairt.

33 Mar sin cha truail sibh am fearann anns *am bheil* sibh : oir truailidh fuil am fearann, agus cha 'n'eil e 'n comas am fearann a ghlanadh do'n fhuil a dhòirt-eadh ann, ach le fuil an tì a dhòirt i.

34 Na falaichibh uime sin am fearann anns am bi sibh a chòmhnuidh, anns am bheil mise a'm' chòmhnuidh : a chionn gu bheil mise an Tighearn a'm'

^a thachairas e air. ^b o ghalltanas.
^c d ais-iocaidh an co'-chruinneach.

^e le fàth-fheitheamh, le rùn meall-
^e o bhriathraibh.